

Mae gan Gronfa Gymunedol y Loteri Genedlaethol rolau hyblyg sy'n galluogi ein pobl i roi eu gorau, ehangu eu sgiliau a rheoli eu llwybr gyrfa. Ni fwriedir i'r proffil swydd hwn fod yn rhestr gynhwysfawr o'ch dyletswyddau, yn hytrach mae'n rhoi amlinelliad i chi o'r hyn y bydd eich rôl yn ei gynnwys. Chi fydd yn gweithio gyda'ch cydweithwyr i ddatblygu a siapio eich gwaith yn unol â'n hamcanion strategol ac amcanion eich tîm.

## Swyddog Cyfathrebu Digidol

### *Ein swyddogion*

Fel swyddog o fewn y Gronfa, beth bynnag fo'ch arbenigedd, bydd gennych ddigon o gwmpas ar gyfer annibyniaeth a chyfrifoldeb. Byddwch yn defnyddio eich barn a'ch gwybodaeth i wneud argymhellion a phenderfyniadau, a bydd eich sgiliau wrth ddeall anghenion gwahanol gwsmeriaid, gan gynnig cyngor ac adborth, yn dod i'r amlwg. Ni fydd angen llawer o oruchwyliaeth nac arweiniad arnoch gan eich cydweithwyr uwch gan y byddwch yn cymryd arweinyddiaeth a rheolaeth bersonol dros eich gwaith a'ch datblygiad eich hun. Byddwch yn ymfalchïo yn eich gwaith ac yn dylanwadu ac yn ymgysylltu mewn ffordd gadarnhaol â'n cwsmeriaid a'n rhanddeiliaid yn fewnol ac yn allanol.

### *Eich rôl*

Yn y rôl benodol hon, bydd y Swyddog Cyfathrebu Digidol (DCO) yn cefnogi datblygiad gwefan y Gronfa, a'i sianeli digidol sydd eisoes yn bodoli ac sydd ar y gweill, gan gynnwys y cyfryngau cymdeithasol. Mae'r rôl hon yn allweddol i sicrhau bod ein holl ymgysylltiad digidol o ansawdd uchel, o safon y diwydiant, yn bodloni ein hanghenion fel corff cyhoeddus ond hefyd yn ategu dulliau o'n partneriaid allweddol nid yn unig yn y llywodraeth ond hefyd i ddsbarthwyr eraill a'r Loteri Genedlaethol.

Byddwch chi'n defnyddio data, dadansoddeg a gwerthuso i gynghori cydweithwyr ac arwain gwaith eu hunain ar y ffyrdd gorau i ymgysylltu â'n cynulleidfaoedd drwy ddefnyddio dull rheoli cyfrifon. Byddwch chi'n eiriolwr dros y dull diweddaraf i ymgysylltiad digidol a dylech eirioli dros hyn ar bob lefel o'r sefydliad. Byddwch chi'n rhwydweithio'n dda yn y sefydliad, ymysg y Tîm Ymgysylltu, rhanddeiliaid mewnol, partneriaid allweddol a deiliaid grant. Mae'n swydd sy'n dal llawer o ddylanwad ac yn ein galluogi i weithredu ein strategaeth Pobl yn Arwain.

Er y gallai fod meysydd ffocws penodol i bob DCO, byddai disgwyl i bob DCO gymryd rhan ym mhob agwedd o'r ochr ddigidol a chynnig cefnogaeth i'w gilydd ar draws timau'r gwledydd. Bydd y rôl hon yn hanfodol i alluogi'r rhai hynny yr ydym yn eu hariannu a'r buddiolwyr i adrodd eu straeon. Drwy wneud hyn, mae'r rôl hon yn ganolog i gefnogi brand Cronfa Gymunedol y Loteri Genedlaethol. Mae cefnogi brand y sefydliad yn allweddol i'r rôl hon o ran sut rydym yn siarad am ein hunain, pwy sy'n adrodd y stori honno a'r budd y gallwn ac y dylwn ni ei ddangos o ganlyniad i'r cyllid sy'n dod o chwaraewyr y Loteri Genedlaethol.

Wrth gwrs, bydd hefyd angen i chi weithio o fewn polisiau a gweithdrefnau'r Gronfa a'r ddeddfwriaeth angenrheidiol, a hynny mewn ffordd sy'n unol â'n gweledigaeth ac egwyddorion. Os yw'r rôl yng Nghymru, neu'n cefnogi cwsmeriaid neu gydweithwyr yng Nghymru, mae dealltwriaeth o ddeddfwriaeth yr iaith Gymraeg a Safonau Iaith Gymraeg y Gronfa'n ofynnol.

## *Eich profiad*

Fel swyddog, efallai y byddwch wedi cael dyrchafiad trwy ein llwybrau gyrfaedd mewnol wedi i chi ddangos eich sgiliau a'ch galluoedd arwain, neu fe allwch wedi dod o faes allanol. Y naill ffordd, bydd angen i chi ddangos eich profiad a'ch cymwysterau yn y meysydd hyn:

- Profiad o weithio mewn rôl debyg neu berthnasol gan gynnwys defnyddio CMS gwe, rheoli sianeli cyfryngau cymdeithasol a gwerthuso effeithiolrwydd cynnwys
- Sgiliau ysgrifennu, golygu a chyfathrebu datblygiedig
- Dealltwriaeth dda o bolisi cyhoeddus a'r cyd-destun polisi y mae'r Gronfa'n gweithredu ynddo, gyda phrofiad dangosadwy o ddadansoddi syniadau ac amcanion polisi cymhleth i weithgarwch cyfathrebu effeithiol gyda negeseuon eglur a chryno
- Profiad da o feddwl cyfathrebu strategol, gyda'r gallu i osod strategaethau'n seiliedig ar ddadansoddi cynulleidfaoedd a deall sianeli cyfathrebu ac ymgysylltu
- Sgiliau digidol da gan gynnwys profiad cryf o ddefnyddio sianeli digidol a chymdeithasol i ymgysylltu cynulleidfaoedd
- Sgiliau cynllunio a rheoli adnoddau da
- Profiad o reoli prosiectau
- Profiad o weithgarwch cyfathrebu integredig gan ddefnyddio amrywiaeth o sianeli
- Y gallu i sefydlu amcanion a darparu cyngor cyfathrebu strategol a gwasanaeth cyfathrebu sy'n ymateb i anghenion busnes
- Y gallu i feithrin perthnasoedd i gefnogi'r Gronfa a deiliaid grant wrth adrodd straeon ac ymgysylltu cynulleidfaoedd a chwsmeriaid newydd

## *Byddwch chi'n gallu*

### **ARWEINYDDIAETH A RHEOLI**

- Bod yn ymgysylltiol ac yn frwdfrydig i weithio tuag at nodau cyffredin, ac annog eraill i wneud yr un peth
- Ymrwymo i weledigaeth ac egwyddorion y Gronfa, ac annog eraill i wneud yr un peth
- Cymryd perchnogaeth dros ddatblygiad personol eich hun drwy adnabod eich cryfderau a meysydd datblygu, gan ddefnyddio'r adnoddau sydd ar gael i gefnogi hyn
- Bod yn chwaraewr tîm cefnogol sy'n dangos diddordeb mewn eraill ac yn datblygu amrywiaeth o gysylltiadau y tu allan i dîm eich hun i helpu cyflawni'r swydd

### **MEITHRIN PERTHNASOEDD GWYCH**

- Rhwydweithio'n fewnol ac yn allanol, gan roi eich hun mewn sefyllfa cwsmeriaid a gweithredu ar y pethau sy'n bwysig i bobl
- Cyfathrebu mewn ffordd onest ac ymgysylltiol, gyda'r gallu i ddylanwadu a thrafod gan ddefnyddio dadleuon da ac amrywiaeth o strategaethau i argyhoeddi eraill

- Gwrando'n weithredol ac ymateb i eraill mewn ffordd hysbys, gan gydnabod cyfraniad a gwerth safbwyntiau amrywiol

## CYFRIFOLDEB PERSONOL

- Chwilio am adborth a gweithredu arno'n barhaus er mwyn gwerthuso a gwella perfformiad eich hun
- Aros yn ddigynnwrf o dan bwysau ac ymdrin â sawl blaenoriaeth sy'n cystadlu â'i gilydd, gan gefnogi eraill pan fo angen
- Cymryd perchnogaeth a bod yn atebol ar gyfer gwaith eich hun, ac annog cydweithwyr i wneud yr un peth

## CYFLWYNO

- Adnabod cyfleoedd i rannu dysgu a gwybodaeth, a gwneud gwelliannau trwy weithio â chydweithwyr
- Defnyddio'r systemau a'r data sydd ar gael i chi gwblhau gwaith eich hun yn effeithiol a gwella gwaith eich tîm
- Chwilio'n weithredol am wybodaeth sydd ar gael a'i dadansoddi, gan ei defnyddio i hysbysu eich barn a chwblhau eich gwaith yn effeithiol
- Bod yn ymatebol i broblemau a thueddiadau sy'n dod i'r amlwg ac yn effeithio ar eich gwaith, gwaith eich tîm neu'r Gronfa
- Deall gofynion llywodraethu da a darparu datrysiadau i risgiau a phroblemau

## *Eich meddylfryd*

- Rwy'n angerddol am botensial gwneud grantiau ardderchog
- Rwy'n ymroddedig i rwydweithio effeithiol ar draws a'r tu hwnt i'r Gronfa
- Rwy'n gwerthfawrogi amrywiaeth a dyheadau cymunedau a chydweithwyr gan gydnabod yr angen i gyflwyno cyfle cyfartal
- Rwy'n gywrain ac yn chwilio o ddifrif am ffyrdd newydd o wneud pethau
- Byddaf yn gwrando, dysgu, darparu ac annog adborth a her
- Rwyf yn gyfrifol ac yn atebol am y gwaith a wnaif
- Rwy'n gweithio'n hyblyg ac yn gydweithiol i ddiwallu anghenion eraill
- Rwy'n defnyddio gwybodaeth a phrofiad i rannu fy nysgu
- Rwyf eisiau gwneud y Gronfa yn lle gwych i weithio ynddo

<b>Eich teulu swydd yw</b>	Cyflwyno gweithredol	<b>Eich cyfarwyddiaeth yw</b>	Ymgysylltu a Mewnwelediad
<b>Eich dull gweithio yw</b>	Swyddfa	<b>Eich templed rôl yw</b>	Swyddog